



গণপ্রজাতন্ত্রী বাংলাদেশ সরকার
মাধ্যমিক ও উচ্চ শিক্ষা বিভাগ, শিক্ষা মন্ত্রণালয়
বেসরকারি শিক্ষক নিবন্ধন ও প্রত্যয়ন কর্তৃপক্ষ (NTRCA)
রেড ক্রিসেন্ট বোরাক টাওয়ার (৪র্থ তলা)
৩৭/৩/এ, ইন্সটন গার্ডেন রোড, রমনা, ঢাকা-১০০০
www.ntrca.gov.bd



স্মারক নম্বর: ৩৭.০৫.০০০০.০১০.০১.০০৩.২০. ৯৬৯

তারিখ: ২৭ ফাল্গুন, ১৪২৮ বঙ্গাব্দ
০২ মার্চ, ২০২২ খ্রিস্টাব্দ

সপ্তদশ শিক্ষক নিবন্ধন পরীক্ষা ২০২০-এর সম্পূরক বিজ্ঞপ্তি

শিক্ষা মন্ত্রণালয়ের মাধ্যমিক ও উচ্চ শিক্ষা বিভাগের ৩১ মে, ২০২১ খ্রি. তারিখের ৩৭.০০.০০০০.০৭৪.০২৯.০০১.২০১৯.১৬২ সংখ্যক স্মারক, কারিগরি ও মাদ্রাসা শিক্ষা বিভাগের ১৮ জুলাই, ২০২১ খ্রি. তারিখের ৫৭.০০.০০০০.০০০.২২.০০১.২০.১৪২ সংখ্যক স্মারকমূলের আদেশ মোতাবেক এবং মাধ্যমিক ও উচ্চ শিক্ষা বিভাগের ২৩ ফেব্রুয়ারি, ২০২২ তারিখের ৩৭.০০.০০০০.০৭৩.০৮.০০৬.১৬.৫৯ সংখ্যক স্মারকের সম্মতিক্রমে দেশের বেসরকারি শিক্ষা প্রতিষ্ঠানসমূহে নিম্নবর্ণিত পদে শিক্ষক হতে আগ্রহী প্রার্থীদের নিবন্ধন ও প্রত্যয়নের লক্ষ্যে বেসরকারি শিক্ষক নিবন্ধন ও প্রত্যয়ন কর্তৃপক্ষ (NTRCA) কর্তৃক আয়োজিত সপ্তদশ শিক্ষক নিবন্ধন পরীক্ষা ২০২০-তে অংশগ্রহণে ইচ্ছুক প্রার্থীদের নিকট হতে আবেদনপত্র আহ্বান করা যাচ্ছে।

ক্রমিক নং	শিক্ষা প্রতিষ্ঠানের ধরণ	পদের নাম	পরীক্ষার বিষয়	জনবল কাঠামো অনুযায়ী প্রয়োজনীয় শিক্ষাগত যোগ্যতা (ন্যূনতম)
(১)	(২)	(৩)	(৪)	(৫)
১.	- মাধ্যমিক বিদ্যালয় (৬ষ্ঠ-১০ম) - উচ্চ মাধ্যমিক বিদ্যালয় (৬ষ্ঠ-১২শ) - উচ্চ মাধ্যমিক কলেজ (১১শ-১২শ) - স্নাতক (পাস) কলেজ (১১শ-১৫শ)	সহকারী শিক্ষক (গ্রন্থাগার ও তথ্য বিজ্ঞান)	গ্রন্থাগার ও তথ্য বিজ্ঞান	১) স্বীকৃত বিশ্ববিদ্যালয় হতে গ্রন্থাগার ও তথ্য বিজ্ঞান বিষয়সহ স্নাতক ডিগ্রি/সমমান অথবা ২) স্বীকৃত বিশ্ববিদ্যালয় হতে স্নাতক ডিগ্রি/সমমানসহ গ্রন্থাগার বিজ্ঞানে ডিপ্লোমা। সমগ্র শিক্ষা জীবনে ০১ (এক) টির বেশি ৩য় বিভাগ/শ্রেণি/সমমান গ্রহণযোগ্য হবে না।
২.	- দাখিল মাদ্রাসা (১ম-১০ম) - আলিম মাদ্রাসা (১ম-১২শ) - ফাযিল মাদ্রাসা (১ম-১৫শ) - কামিল মাদ্রাসা (১ম-১৭শ)	সহকারী শিক্ষক (গ্রন্থাগার ও তথ্য বিজ্ঞান)	গ্রন্থাগার ও তথ্য বিজ্ঞান	বাংলাদেশ মাদ্রাসা শিক্ষা বোর্ড/ ইসলামি বিশ্ববিদ্যালয়ের/ ইসলামি আরবি বিশ্ববিদ্যালয় এর অধিভুক্ত মাদ্রাসাসমূহ হতে ফাযিল ও গ্রন্থাগার বিজ্ঞানে ডিপ্লোমা। অথবা স্বীকৃত বিশ্ববিদ্যালয় হতে আরবি বিষয়ে স্নাতক (সম্মান) ডিগ্রি ও গ্রন্থাগার বিজ্ঞানে ডিপ্লোমা। সমগ্র শিক্ষা জীবনে যে কোন ১টি ৩য় বিভাগ বা শ্রেণী গ্রহণযোগ্য হবে।
৩.	- এসএসসি (ভোকেশনাল) ইনস্টিটিউট - দাখিল (ভোকেশনাল) মাদ্রাসা - এইচএসসি (ভোকেশনাল) ইনস্টিটিউট - এইচএসসি (ব্যবসায় ব্যবস্থাপনা) কলেজ/ইনস্টিটিউট - ডিপ্লোমা ইন এগ্রিকালচার ইনস্টিটিউট - ডিপ্লোমা ইন ফিশারিজ ইনস্টিটিউট	সহকারী শিক্ষক (গ্রন্থাগার ও তথ্য বিজ্ঞান)	গ্রন্থাগার ও তথ্য বিজ্ঞান	কোন স্বীকৃত বিশ্ববিদ্যালয় হতে ২য় বিভাগে গ্রন্থাগার ও তথ্য বিজ্ঞান বিষয়সহ স্নাতক ডিগ্রি/সমমান অথবা স্বীকৃত বিশ্ববিদ্যালয় হতে ২য় শ্রেণির স্নাতক ডিগ্রি/সমমানসহ গ্রন্থাগার বিজ্ঞানে ডিপ্লোমা। বর্ণিত সর্বশেষ ডিগ্রি ব্যতীত সমগ্র শিক্ষা জীবনে যে কোন ০১ টি ৩য় শ্রেণি/সমমান গ্রহণযোগ্য হবে।
৪.	স্নাতক (পাস) কলেজ (১১শ-১৫শ)	গ্রন্থাগার প্রভাষক	গ্রন্থাগার ও তথ্য বিজ্ঞান	স্বীকৃত বিশ্ববিদ্যালয় হতে গ্রন্থাগার ও তথ্য বিজ্ঞানে অনার্সসহ ২য় শ্রেণির স্নাতকোত্তর ডিগ্রি/সমমান। অথবা স্বীকৃত বিশ্ববিদ্যালয় হতে স্নাতকসহ সংশ্লিষ্ট বিষয়ে দ্বিতীয় শ্রেণির স্নাতকোত্তর ডিগ্রি/সমমান। বর্ণিত সর্বশেষ ডিগ্রিতে ন্যূনতম ২য় বিভাগ/শ্রেণি/সমমান থাকতে হবে এবং অন্যান্য ডিগ্রিগুলোতে ০১ (এক) টির বেশি ৩য় বিভাগ/শ্রেণি/সমমান গ্রহণযোগ্য হবে না।
৫.	- ফাযিল মাদ্রাসা (১ম-১৫শ) - কামিল মাদ্রাসা (১ম-১৭শ)	গ্রন্থাগার প্রভাষক	গ্রন্থাগার ও তথ্য বিজ্ঞান	বাংলাদেশ মাদ্রাসা শিক্ষা বোর্ড অথবা ইসলামি বিশ্ববিদ্যালয়/ইসলামি আরবি বিশ্ববিদ্যালয় অধিভুক্ত মাদ্রাসা সমূহ হতে কামিল ও গ্রন্থাগার বিজ্ঞানে ডিপ্লোমা। সমগ্র জীবনে যে কোন ১টি ৩য় বিভাগ বা শ্রেণী গ্রহণযোগ্য হবে।

৫২

বিজ্ঞপ্তিতে উল্লেখিত প্রয়োজনীয় শিক্ষাগত যোগ্যতা থাকা সাপেক্ষে ‘সহকারী শিক্ষক (গ্রন্থাগার ও তথ্য বিজ্ঞান)’ পদে ৩ (তিন) ধরনের প্রতিষ্ঠানের মধ্যে যে কোনো একটিতে এবং ‘গ্রন্থাগার প্রভাষক’ পদে ২ (দুই) ধরনের প্রতিষ্ঠানের মধ্যে যে কোনো একটিতে প্রার্থী আবেদন করতে পারবেন।

এ পরীক্ষায় প্রার্থীদের প্রথম ধাপে প্রিলিমিনারি টেস্ট গ্রহণ করা হবে। প্রিলিমিনারি টেস্টে উত্তীর্ণ প্রার্থীদের দ্বিতীয় ধাপে লিখিত পরীক্ষা গ্রহণ করা হবে। পরবর্তী ধাপে লিখিত পরীক্ষায় উত্তীর্ণ প্রার্থীদের মৌখিক পরীক্ষা গ্রহণ করা হবে।

২। **নিবন্ধন পরীক্ষার আবেদনপত্র:**

- ক. পরীক্ষায় অংশগ্রহণে ইচ্ছুক প্রার্থীগণকে <http://ntrca.teletalk.com.bd> ওয়েবসাইটে প্রদত্ত ফরমে আবেদন করতে হবে।
- খ. নিবন্ধন পরীক্ষায় অংশগ্রহণে ইচ্ছুক প্রার্থীগণকে এ বিজ্ঞপ্তির ৪নং অনুচ্ছেদে উল্লিখিত পদ্ধতিতে আবেদনপত্র অনলাইনে পূরণ করতে হবে।
- গ. বিজ্ঞপ্তি www.ntrca.gov.bd এবং <http://ntrca.teletalk.com.bd> ওয়েবসাইটে পাওয়া যাবে।

৩। **অনলাইনে আবেদনপত্র পূরণ এবং পরীক্ষার ফি জমাদানের তারিখ এবং সময়সীমা নিম্নরূপ:**

- ক. Online-এ আবেদনপত্র পূরণ ও ফি জমা প্রদান শুরুর তারিখ ও সময়: ১০ মার্চ, ২০২২ তারিখ বিকাল ০৪:০০ টা।
- খ. Online-এ আবেদনপত্র জমা প্রদানের শেষ তারিখ ও সময়: ৩১ মার্চ, ২০২২ তারিখ রাত ১২:০০ টা পর্যন্ত।
- গ. লিখিত পরীক্ষায় উত্তীর্ণ প্রার্থীগণকে ১২(ক) অনুচ্ছেদে বর্ণিত সনদসমূহের মূলকপি মৌখিক পরীক্ষার সময় আবশ্যিকভাবে প্রদর্শন করতে হবে।

বি. দ্র. ক. ৩১ মার্চ, ২০২২ তারিখ রাত ১২:০০ টার মধ্যে শুধুমাত্র User ID প্রাপ্ত প্রার্থীগণ উক্ত সময়ের পরবর্তী ৭২ ঘণ্টার মধ্যে (অর্থাৎ ০৩ এপ্রিল, ২০২২ তারিখ রাত ১২:০০ টা পর্যন্ত) SMS-এর মাধ্যমে (বিজ্ঞপ্তির ৫নং অনুচ্ছেদের নির্দেশনা অনুসরণ করে) ফি জমা দিতে পারবেন।

খ. শেষ তারিখ ও সময়ের জন্য অপেক্ষায় না থেকে যুক্তিসঙ্গত সময় হাতে রেখে আবেদনে প্রদত্ত তথ্যাদি সম্পর্কে শতভাগ নিশ্চিত হয়ে সতর্কতার সাথে প্রার্থীকে নিজে Online-এ আবেদনপত্র পূরণ ও প্রেরণ সম্পন্ন করতে পরামর্শ দেয়া যাচ্ছে।

৪। **অনলাইন আবেদনপত্র পূরণ করার নিয়মাবলি:**

- ক. শিক্ষাগত যোগ্যতা অনুযায়ী প্রার্থী যে পদে আবেদন করতে যোগ্য ও ইচ্ছুক ওয়েবসাইটে প্রবেশ করে সেই পদের রেডিও বাটন সিলেক্ট করে আবেদনপত্রের ফরম Open করবেন।
- খ. Online আবেদনপত্রে প্রার্থী নিজ স্বাক্ষর (দৈর্ঘ্য ৩০০ x প্রস্থ ৮০) pixel ও রজিন ছবি (দৈর্ঘ্য ৩০০ x প্রস্থ ৩০০) pixel স্ক্যান করে নির্ধারিত স্থানে সন্নিবেশ (Upload) করবেন।
- গ. Online আবেদনপত্রে পূরণকৃত তথ্যই যেহেতু প্রিলিমিনারি, লিখিত, মৌখিক পরীক্ষা ও অন্যান্য সকল কার্যক্রমসহ উত্তীর্ণ প্রার্থীদের সার্টিফিকেট প্রদানের ক্ষেত্রে ব্যবহৃত হবে, সেহেতু Online-এ আবেদনপত্র প্রেরণ (Submit) করার পূর্বেই পূরণকৃত সকল তথ্যের সঠিকতা সম্পর্কে প্রার্থী নিজে শতভাগ নিশ্চিত হবেন। **পূর্ণস্চঃ পূরণকৃত সকল তথ্যের সঠিকতা সম্পর্কে প্রার্থী নিজে শতভাগ নিশ্চিত হবেন।** আবেদনপত্র প্রেরণ (Submit) করার পর কোন তথ্য সংশোধনযোগ্য নয়।
- ঘ. বিজ্ঞপ্তিতে উল্লিখিত পদের জন্য কোন প্রার্থীর শিক্ষাগত যোগ্যতা না থাকলে উক্ত প্রার্থী আবেদন করতে পারবেন না। কোন প্রার্থী বিদেশ হতে তার অর্জিত ডিগ্রিকে উল্লিখিত পদসমূহের পার্শ্বে বর্ণিত কোন শিক্ষাগত যোগ্যতার সমমানের বলে দাবি করলে তাকে সে মর্মে সংশ্লিষ্ট ইকুইভ্যালেন্স কমিটি বা শিক্ষা মন্ত্রণালয়ের সংশ্লিষ্ট বিভাগ কর্তৃক প্রদত্ত ইকুইভ্যালেন্স সনদের মূলকপি মৌখিক পরীক্ষার সময় সাক্ষাৎকার বোর্ডে উপস্থাপন করতে হবে। অন্যথায় মৌখিক পরীক্ষা গ্রহণ করা হবে না।
- ঙ. প্রার্থী Online-এ পূরণকৃত আবেদনপত্রের প্রিন্টকপি সংরক্ষণ করবেন। প্রিলিমিনারি ও লিখিত পরীক্ষায় উত্তীর্ণ হলে ১২(ক) অনুচ্ছেদে চাহিত সনদসমূহের মূলকপি মৌখিক পরীক্ষার সময় প্রদর্শন করবেন। তাছাড়া পরীক্ষা চলাকালীন অনলাইন আবেদনপত্রের একটি প্রিন্টকপি প্রার্থী ব্যক্তিগতভাবে সংরক্ষণ করবেন যাতে সঠিকতা নিরূপণের প্রয়োজন হলে প্রার্থী তা প্রদর্শন করতে পারেন।
- চ. প্রার্থী যে পদে পরীক্ষায় অংশগ্রহণের জন্য আবেদন করতে যোগ্য ও ইচ্ছুক সে পদের বিপরীতে বিজ্ঞপ্তিতে উল্লিখিত বিষয়/ বিষয়সমূহ হতে নিবন্ধন পরীক্ষার ঐচ্ছিক বিষয় নির্ধারণ করবেন এবং তা Online আবেদনপত্রে উল্লেখ করবেন।
- ছ. প্রার্থীর নিজ নাম, পিতার নাম ও মাতার নাম এস.এস.সি অথবা সমমানের পরীক্ষা পাশের সনদে যেরূপ উল্লেখ রয়েছে অনলাইন আবেদনপত্রে একইভাবে পূরণ করবেন।
- জ. Online আবেদনপত্রে প্রার্থীর প্রদত্ত মোবাইল ফোন নম্বরে পরীক্ষা সংক্রান্ত সকল বিষয়ে যোগাযোগ সম্পন্ন করা হবে বিধায় উক্ত নম্বরটি সার্বক্ষণিক সচল রাখা, SMS পঠন এবং প্রাপ্ত নির্দেশনা তাৎক্ষণিকভাবে অনুসরণ করার প্রতি মনোযোগী হবার পরামর্শ প্রদান করা হচ্ছে।

৫। **পরীক্ষার ফি প্রদান:**

ক. SMS প্রেরণের নিয়মাবলি ও পরীক্ষার ফি প্রদান:

Online-এ আবেদনপত্র (Application Form) যথাযথভাবে পূরণ করে নির্দেশনা অনুসারে প্রার্থীর ছবি এবং Signature upload করে আবেদনপত্র Submit করা সম্পন্ন হলে কম্পিউটারে ছবিসহ Application Preview দেখা যাবে। নির্ভুলভাবে আবেদনপত্র submit করা সম্পন্ন হলে প্রার্থী একটি User ID এবং ছবি ও স্বাক্ষরযুক্ত একটি Applicant's Copy পাবেন। উক্ত Applicant's Copy প্রার্থী প্রিন্ট অথবা download করে সংরক্ষণ করবেন। Applicant's কপিতে প্রদত্ত User ID ব্যবহার করে প্রার্থী নিম্নোক্ত পদ্ধতিতে যে কোন Teletalk pre-paid mobile নম্বরের মাধ্যমে ০২ (দুই) টি SMS করে পরীক্ষার ফি বাবদ নির্ধারিত ৩৫০/- (তিনশত পঞ্চাশ) টাকা আবেদন Submit করার অনধিক ৭২ (বাহাত্তর) ঘণ্টার মধ্যে জমা প্রদান করবেন।

প্রথম SMS: NTRCA<space>User ID লিখে Send করতে হবে 16222 নম্বরে।

ফিরতি SMS এ PIN প্রেরণ করা হবে।

দ্বিতীয় SMS: NTRCA<space>Yes<Space>PIN লিখে Send করতে হবে 16222 নম্বরে।

খ. বিশেষভাবে উল্লেখ্য, Online-এ আবেদনপত্রের সকল অংশ পূরণ করে Submit করা হলেও পরীক্ষার ফি জমা না দেয়া পর্যন্ত Online আবেদনপত্র কোন অবস্থাতেই গৃহীত হবে না।

গ. শুধু টেলিটক প্রি-পেইড মোবাইল ফোন থেকে প্রার্থীগণ নিম্নবর্ণিত SMS পদ্ধতি অনুসরণ করে নিজ নিজ User ID এবং PIN পুনরুদ্ধার করতে পারবেন:

i. User ID জানা থাকলে: NTRCA<Space>Help<Space>User<Space>User ID & send to 16222.

Example: NTRCA Help User ABCDEF & send to 16222

ii. PIN Number জানা থাকলে: NTRCA<Space>Help<Space>PIN<Space>PIN Number & send to 16222.

Example: NTRCA Help PIN 12345678 & send to 16222.

৬। **অবতীর্ণ (Appeared) প্রার্থী:**

ক. শিক্ষাগত যোগ্যতার ক্ষেত্রে পরীক্ষায় অবতীর্ণ (Appeared) কোন প্রার্থীর আবেদনপত্র গ্রহণযোগ্য হবে না।

খ. শিক্ষাগত যোগ্যতার সমর্থনে সদ্য উত্তীর্ণ প্রার্থীগণ সংশ্লিষ্ট শিক্ষা প্রতিষ্ঠান প্রধান কর্তৃক প্রদত্ত প্রশংসা পত্র, টেবুলেশন শিট/ নম্বরপত্র ও প্রবেশ পত্র মৌখিক পরীক্ষাকালে প্রদর্শনের জন্য সংরক্ষণ করবেন।

৭। **প্রবেশপত্র (Admit Card):**

ক. প্রবেশ পত্র প্রাপ্তির বিষয়টি প্রার্থীর প্রদত্ত মোবাইল নম্বরে যথাসময়ে SMS-এর মাধ্যমে জানানো হবে। SMS প্রাপ্তির পর প্রার্থী তার প্রবেশপত্র <http://ntrca.teletalk.com.bd> ওয়েবসাইট হতে Download করে নিতে পারবেন।

খ. **প্রিলিমিনারি টেস্টের প্রবেশপত্র:** ৫নং অনুচ্ছেদের নির্দেশনা অনুসারে পরীক্ষার নির্ধারিত ফি জমা হলে টেলিটক বাংলাদেশ লিঃ হতে SMS-এর মাধ্যমে প্রার্থীর মোবাইল নম্বরে User ID এবং Password প্রেরণ করা হবে। প্রেরিত User ID এবং Password ব্যবহার করে প্রার্থী তার প্রিলিমিনারি টেস্টের প্রবেশপত্র যথাসময়ে Download করে নিতে পারবেন।

গ. **লিখিত পরীক্ষার প্রবেশপত্র:** প্রিলিমিনারি টেস্টে উত্তীর্ণ প্রার্থীদের ফলাফল প্রকাশিত হওয়ার পর উত্তীর্ণ প্রার্থীদের অনুকূলে প্রবেশপত্র <http://ntrca.teletalk.com.bd> ওয়েবসাইটে প্রদান (Upload) করা হবে। উত্তীর্ণ প্রার্থীগণ SMS প্রাপ্তির পর ইতোপূর্বে প্রদত্ত User ID এবং Password ব্যবহার করে লিখিত পরীক্ষার প্রবেশপত্র যথাসময়ে Download করে নিতে পারবেন।

ঘ. লিখিত পরীক্ষায় উত্তীর্ণ প্রার্থীদের মৌখিক পরীক্ষার সময় ও স্থান SMS-এর মাধ্যমে যথাসময়ে অবহিত করা হবে।

ঙ. লিখিত পরীক্ষায় উত্তীর্ণ প্রার্থীগণ প্রিলিমিনারি টেস্টের প্রবেশপত্র ও লিখিত পরীক্ষার প্রবেশপত্র সংরক্ষণ করবেন এবং মৌখিক পরীক্ষা ও নিবন্ধন সনদ গ্রহণের সময়ে সেগুলো আবশ্যিকভাবে প্রদর্শন করবেন।

৮। **ডিক্লারেশন:**

ক. প্রার্থীকে অনলাইন আবেদনপত্রের ডিক্লারেশন অংশে এ মর্মে ঘোষণা দিতে হবে যে, আবেদনপত্রের প্রদত্ত সকল তথ্য সঠিক এবং সত্য। প্রদত্ত তথ্য অসত্য বা মিথ্যা প্রমাণিত হলে অথবা কোন অযোগ্যতা ধরা পড়লে বা কোন দুর্নীতির আশ্রয় গ্রহণ করা হলে বা কোন প্রার্থী আবেদনপত্রে জ্ঞাতসারে কোন ভুল বা মিথ্যা তথ্য প্রদান করলে বা প্রয়োজনীয় তথ্য গোপন করলে বা টেম্পারিং করলে বা কোন জাল সার্টিফিকেট দাখিল করলে বা বয়স ও শিক্ষাগত যোগ্যতা সংক্রান্ত সার্টিফিকেটের কোন অংশ বা প্রবেশপত্র কাটাকাটি বা পরিবর্তন করলে বা পরীক্ষার হলে মোবাইল ফোন বা কোন ধরনের ইলেকট্রনিক যোগাযোগ যন্ত্রসহ প্রবেশ এবং উক্ত প্রযুক্তির মাধ্যমে অসৎ পন্থা অবলম্বন করলে বা পরীক্ষার হলে দুর্ব্যবহার করলে বা প্রত্যাহার আশ্রয় নিলে তাকে উক্ত পরীক্ষাসহ NTRCA কর্তৃক অনুষ্ঠেয় পরবর্তী যে কোন পরীক্ষার জন্য অযোগ্য ঘোষণা করা হবে, অধিকন্তু তার বিরুদ্ধে ফৌজদারী কার্যক্রমও গ্রহণ করার ক্ষমতা কর্তৃপক্ষ সংরক্ষণ করে।

খ. কোন প্রার্থী সম্পর্কে অনুচ্ছেদ ৮-ক তে বর্ণিত কোন অভিযোগ পাওয়া গেলে, যথাযথ তদন্ত সাপেক্ষে সংশ্লিষ্ট প্রার্থীর নিবন্ধন বাতিল করে সনদপত্র প্রত্যাহার করা হবে এবং তিনি কোন বেসরকারি শিক্ষা প্রতিষ্ঠানে নিয়োগ পেয়ে থাকলে উক্ত নিয়োগ বাতিল বলে বিবেচিত হবে এবং নিয়োগ লাভের কারণে প্রাপ্ত আর্থিক সুবিধাদি ফেরতযোগ্য হবে এবং তার বিরুদ্ধে ফৌজদারী কার্যক্রমও গ্রহণ করা যাবে।

গ. প্রার্থী কর্তৃক প্রদত্ত ডিক্লারেশনের প্রেক্ষিতে প্রিলিমিনারি টেস্টের জন্য সাময়িকভাবে যোগ্য বিবেচনা করে প্রবেশপত্র প্রদান করা হবে।

৯। **প্রিলিমিনারি টেস্ট:**

ক. প্রিলিমিনারি টেস্টের সময়সূচি: পরবর্তীতের জানানো হবে।

খ. প্রার্থীদের ১০০ (একশত) নম্বরের Multiple Choice Question (MCQ) Type প্রিলিমিনারি টেস্টে অংশগ্রহণ করতে হবে। পরীক্ষার পূর্ণ সময় ১ (এক) ঘণ্টা। Optical Mark Readable Litho Code যুক্ত উত্তরপত্র OMR মেশিনে কম্পিউটারের মাধ্যমে মূল্যায়ন করা হবে।

গ. এ পরীক্ষায় মোট ১০০ (একশত) টি প্রশ্ন থাকবে। প্রার্থী প্রতিটি শূদ্ধ উত্তরের জন্য ১ (এক) নম্বর পাবেন, তবে ভুল উত্তর দিলে প্রতিটি ভুল উত্তরের জন্য প্রাপ্ত মোট নম্বর হতে ০.৫০ (দশমিক পাঁচ শূন্য) নম্বর কাটা হবে।

ঘ. প্রিলিমিনারি টেস্টে অংশগ্রহণের ক্ষেত্রে প্রার্থীদের উপযুক্ততা এবং প্রিলিমিনারি টেস্টে কৃতকার্যতা নির্ধারণের ক্ষেত্রে এনটিআরসিএ-এর প্রদত্ত সিদ্ধান্তই চূড়ান্ত বলে গণ্য হবে।

ঙ. প্রিলিমিনারি টেস্টে পাস নম্বর ৪০%।

চ. ৩টি পর্যায়ে যথা- (১) স্কুল পর্যায়-২ (২) স্কুল পর্যায় ও (৩) কলেজ পর্যায়ে পৃথক প্রশ্নপত্রে পরীক্ষার্থীগণ প্রিলিমিনারি টেস্টে অংশগ্রহণ করবেন।

ছ. প্রিলিমিনারি টেস্টের বিষয় ও নম্বর বন্টন নিম্নে প্রদান করা হলো:

ক্রমিক নং	বিষয়ের নাম	নম্বর বন্টন
১.	বাংলা	২৫
২.	ইংরেজি	২৫
৩.	সাধারণ গণিত	২৫
৪.	সাধারণ জ্ঞান	২৫
মোট=		১০০

১০।

লিখিত পরীক্ষা:

- ক. লিখিত পরীক্ষার সময়সূচি: পরবর্তীতের জানানো হবে।
- খ. ১০০ (একশত) নম্বরের প্রতিটি বিষয়ের লিখিত পরীক্ষার সময় ৩ (তিন) ঘণ্টা।
- গ. লিখিত পরীক্ষায় প্রাপ্ত নম্বরের ভিত্তিতে মেধাক্রম অনুসারে প্রতিটি বিষয়ে কর্তৃপক্ষ কর্তৃক বিধি মোতাবেক নির্ধারিত সংখ্যক প্রার্থীকে মৌখিক পরীক্ষার জন্য নির্বাচন করা হবে।

১১।

লিখিত পরীক্ষায় উত্তরদানের ভাষা:

বাংলা, ইংরেজি ও অন্যান্য ভাষা সম্পর্কিত বিষয়ের প্রশ্নের উত্তর সংশ্লিষ্ট ভাষাতেই লিখতে হবে। অন্যান্য বিষয়ের প্রশ্নের উত্তর বাংলা বা ইংরেজি মাধ্যমের যে কোন একটিতে লিখা যাবে। একটি বিষয়ের উত্তরে (উদ্ধৃতি বা অনিব্যাহ্য টেক্সট ব্যতীত) একাধিক ভাষা ব্যবহার করা যাবে না। কোন বিষয়ের প্রশ্নপত্রে অন্য কোনরূপ নির্দেশনা থাকলে উক্ত বিষয়ের ক্ষেত্রে ঐ নির্দেশনা অনুযায়ী প্রশ্নোত্তর লিখতে হবে।

১২।

লিখিত পরীক্ষায় উত্তীর্ণ প্রার্থীগণের মৌখিক পরীক্ষায় অংশগ্রহণের জন্য প্রয়োজনীয় সনদ/ডকুমেন্টস সংক্রান্ত:

ক. প্রয়োজনীয় সনদ/ Documents:

১. মৌখিক পরীক্ষার প্রবেশপত্র;
২. সকল শিক্ষাগত যোগ্যতার সনদপত্রের মূল কপি;
৩. স্নাতক (পাস/ সম্মান) পর্যায়ে নম্বরপত্রের (মার্ক শিট) মূল কপি;
৪. কেবল সহকারী শিক্ষক পদসমূহের ক্ষেত্রে প্রার্থী কর্তৃক Online আবেদনপত্রে উল্লিখিত Optional Subject-এর স্বক্ষে প্রমাণ স্বরূপ স্নাতক (পাস/ সম্মান) পর্যায়ে প্রবেশ পত্র/ পত্রসমূহ এর মূল কপি;
৫. প্রযোজ্য ক্ষেত্রে প্রশিক্ষণ সনদ পত্রের মূল কপি;
৬. জাতীয় পরিচয়পত্রের মূল কপি।
৭. কর্তৃপক্ষ কর্তৃক চাহিত অন্য যে কোন সনদের মূলকপি মৌখিক পরীক্ষার সময় প্রদর্শন করবেন।

খ. মৌখিক পরীক্ষার সময় ১২ (ক) অনুচ্ছেদে বর্ণিত সনদপত্রসমূহের মূলকপি প্রদর্শনে ব্যর্থ হলে প্রার্থীতা বাতিল হবে।

১৩।

মৌখিক পরীক্ষা:

- ক. লিখিত পরীক্ষায় উত্তীর্ণ প্রার্থীদের ফলাফল প্রকাশিত হওয়ার পর উত্তীর্ণ প্রার্থীদের অনুকূলে মৌখিক পরীক্ষার প্রবেশপত্র <http://ntrca.teletalk.com.bd> ওয়েবসাইটে প্রদান (আপলোড) করা হবে। উত্তীর্ণ প্রার্থীগণ SMS প্রাপ্তির পর ইতোপূর্বে প্রদত্ত User ID এবং Password ব্যবহার করে মৌখিক পরীক্ষার প্রবেশপত্র যথাসময়ে Download করে নিতে পারবেন।
- খ. লিখিত পরীক্ষায় প্রাপ্ত নম্বরের ভিত্তিতে বিধি মোতাবেক যোগ্য প্রার্থীকে মৌখিক পরীক্ষায় আমন্ত্রণ জানানো হবে।
- গ. মৌখিক পরীক্ষার জন্য নির্বাচিত প্রার্থীগণকে SMS-এর মাধ্যমে মৌখিক পরীক্ষার তারিখ, সময় ও স্থান অবহিত করা হবে। SMS-এ প্রাপ্ত নির্দেশনা মোতাবেক নির্বাচিত প্রার্থীগণকে ২০ নম্বরের মৌখিক পরীক্ষায় অংশগ্রহণ করতে হবে। মৌখিক পরীক্ষার নম্বরের ২টি অংশ থাকবে; যথা- শিক্ষাগত যোগ্যতার সনদপত্রের উপর ১২ নম্বর ও প্রশ্ন-উত্তরের উপর ০৮ নম্বর। মৌখিক পরীক্ষার উভয় অংশে অন্ত্যন শতকরা ৪০% নম্বর না পেলে সংশ্লিষ্ট প্রার্থী জাতীয় মেধা তালিকায় অন্তর্ভুক্ত হওয়ার যোগ্য বিবেচিত হবেন না।
- ঘ. লিখিত ও মৌখিক পরীক্ষার প্রাপ্ত নম্বরের ভিত্তিতে বিধি মোতাবেক ফলাফল প্রকাশ করা হবে।

১৪।

সিলেবাস প্রাপ্তি:

- ক. প্রিলিমিনারি টেস্ট ও লিখিত পরীক্ষার বিষয়ভিত্তিক সিলেবাস NTRCA-এর <http://ntrca.teletalk.com.bd> এবং www.ntrca.gov.bd ওয়েবসাইটে পাওয়া যাবে।
- খ. সকল পদের পরীক্ষার্থীগণ তাদের পছন্দকৃত ঐচ্ছিক বিষয়ে এনটিআরসিএ কর্তৃক প্রদত্ত সিলেবাস অনুসরণপূর্বক পরীক্ষায় অংশগ্রহণ করবেন।

১৫।

পরীক্ষার উত্তরপত্র সংক্রান্ত গোপনীয়তা:

প্রিলিমিনারি টেস্টের MCQ উত্তরপত্র ও লিখিত পরীক্ষার সকল উত্তরপত্র গোপনীয় দলিল হিসেবে গণ্য হবে এবং কোন অবস্থাতেই কোন প্রার্থী বা তার প্রতিনিধিকে সেগুলো প্রদর্শন বা প্রদান করা হবে না। প্রিলিমিনারি টেস্ট ও লিখিত পরীক্ষার কোন উত্তরপত্র পুনর্নিরীক্ষণ বা পুনর্পরীক্ষণের কোন আবেদন গ্রহণযোগ্য হবে না।

১৬।

শিক্ষক নিবন্ধন পরীক্ষার যে কোন ফলাফল পুনর্নিরীক্ষণ বা পুনর্পরীক্ষণের বিধান বিধিতে না থাকায় এ বিষয়ে কোন আবেদন গ্রহণযোগ্য হবে না।

১৭।

পরীক্ষার কেন্দ্রসমূহ:

- ক. প্রবেশ পত্রে উল্লিখিত পরীক্ষা কেন্দ্রে উপস্থিত হয়ে প্রার্থীকে পরীক্ষা দিতে হবে। কেন্দ্র পরিবর্তনের কোন আবেদন গ্রহণ করা হবে না।
- খ. প্রিলিমিনারি টেস্টের কেন্দ্র: দেশের ২৪ (চব্বিশ)টি জেলা শহর যথা: দিনাজপুর, রংপুর, গাইবান্ধা, বগুড়া, রাজশাহী, নওগাঁ, পাবনা, কুষ্টিয়া, যশোর, খুলনা, জামালপুর, ময়মনসিংহ, টাঙ্গাইল, ঢাকা, নারায়ণগঞ্জ, গাজীপুর, ফরিদপুর, কুমিল্লা, নোয়াখালী, চট্টগ্রাম, বরিশাল, পটুয়াখালী, সিলেট ও রাঙ্গামাটিতে ১৭তম শিক্ষক নিবন্ধন পরীক্ষা ২০২০ অনুষ্ঠিত হবে।
- গ. লিখিত পরীক্ষার কেন্দ্র: প্রিলিমিনারি টেস্টে উত্তীর্ণ প্রার্থীদের দেশের বিভাগীয় ৮ (আট)টি জেলা শহর তথা: রংপুর, রাজশাহী, খুলনা, ঢাকা, চট্টগ্রাম, বরিশাল, সিলেট ও ময়মনসিংহ-এ লিখিত পরীক্ষা অনুষ্ঠিত হবে।
- ঘ. Online আবেদনপত্রে প্রার্থী কর্তৃক পূরণকৃত পরীক্ষা কেন্দ্রে প্রার্থী প্রিলিমিনারি টেস্টে অংশগ্রহণ করবেন।


৬. প্রিলিমিনারি টেস্টে উত্তীর্ণ প্রার্থীগণ তাদের প্রিলিমিনারি টেস্টের কেন্দ্রের বিপরীতে নিম্নহকে বর্ণিত কেন্দ্রে লিখিত পরীক্ষায় অংশগ্রহণ করবেন:

প্রিলিমিনারি টেস্টের কেন্দ্র	লিখিত পরীক্ষার কেন্দ্র
রংপুর, গাইবান্ধা ও দিনাজপুর	রংপুর
বগুড়া, পাবনা, নওগাঁ ও রাজশাহী	রাজশাহী
যশোর, খুলনা ও কুষ্টিয়া	খুলনা
ঢাকা, নারায়ণগঞ্জ, গাজীপুর, ফরিদপুর ও টাঙ্গাইল	ঢাকা
রাঙ্গামাটি, চট্টগ্রাম, কুমিল্লা ও নোয়াখালী	চট্টগ্রাম
বরিশাল ও পটুয়াখালী	বরিশাল
সিলেট	সিলেট
ময়মনসিংহ ও জামালপুর	ময়মনসিংহ

১৮।

বিবিধ:

- এম.পি.ও. নীতিমালা-২০২১ অনুযায়ী বেসরকারি শিক্ষা প্রতিষ্ঠানে শিক্ষক পদে নিয়োগের সর্বোচ্চ বয়সসীমা ৩৫ (পঁয়ত্রিশ) বছর।
- পরীক্ষার সময় পরীক্ষা কক্ষে প্রার্থীগণ কানের উপর কোন আবরণ রাখতে পারবেন না। কান খোলা রাখতে হবে।
- পরীক্ষার সময় পরীক্ষা কক্ষে প্রার্থীগণ গহনা/ অলংকার জাতীয় কোন কিছু ব্যবহার করবেন না।
- পরীক্ষার হলে ফ্রেডিট কার্ড/ ডেবিট কার্ড বা তৎসদৃশ কোন কিছু বা কোন ধরনের ইলেকট্রনিক্স সামগ্রী বহন করা যাবে না।
- লিখিত পরীক্ষায় কৃতকার্য হলে প্রার্থীকে অনলাইন আবেদনপত্রে প্রদত্ত প্রতিটি তথ্যের স্বপক্ষে যথাযথ সনদ/ প্রত্যয়নপত্র মৌখিক পরীক্ষায় অংশগ্রহণকালীন বোর্ডের সম্মুখে প্রদর্শন করতে হবে। কোন প্রার্থী অনলাইন আবেদন ফরম-এ প্রদত্ত তথ্য ও শিক্ষাগত যোগ্যতার প্রমাণস্বরূপ যথাযথ সনদ/ প্রত্যয়নপত্র বোর্ডের সম্মুখে দাখিল করতে ব্যর্থ হলে বা কোন পদের জন্য নির্ধারিত যোগ্যতা না থাকলে বা আবেদন ফরমে ভুল তথ্য প্রদান করলে বা কোন অযোগ্যতা বা কোন Substantive ত্রুটি ধরা পড়লে যে কোন পর্যায়ে তার প্রার্থীতা বাতিল বলে গণ্য হবে।
- যদি কোন প্রার্থী অসত্য/ ভিন্নরূপ/ ভুল তথ্য প্রদান করেন এবং যে কোন পর্যায়ে তা প্রমাণিত হয় তবে তার সামগ্রিক প্রার্থীতা বাতিল হবে এবং তিনি NTRCA কর্তৃক গৃহীতব্য পরীক্ষায় সকল পদে আবেদনের অযোগ্য হিসেবে বিবেচিত হবেন এবং উক্ত প্রার্থীর বিরুদ্ধে আইনানুগ ব্যবস্থা গ্রহণ করা যাবে।
- যদি কোন প্রার্থী জন্মসূত্রে বাংলাদেশের নাগরিক না হন কিংবা বাংলাদেশের নাগরিক নন এমন কোন ব্যক্তির সঙ্গে বিবাহ বন্ধনে আবদ্ধ হন বা বিবাহ বন্ধনে আবদ্ধ হবার জন্য প্রতিশ্রুতিবদ্ধ হন কিংবা কোন ফৌজদারি আদালত কর্তৃক নৈতিক স্বলনজনিত অভিযোগে দণ্ডিত হন কিংবা কোন সরকারি বা স্বায়ত্তশাসিত প্রতিষ্ঠান বা বেসরকারি শিক্ষা প্রতিষ্ঠান বা স্থানীয় কর্তৃপক্ষের চাকুরি হতে বরখাস্ত হয়ে থাকেন এবং উক্তরূপ বরখাস্তের পর দুই বছর সময় অতিক্রান্ত না হয়ে থাকে তবে তিনি আবেদন করার জন্য যোগ্য বিবেচিত হবেন না।
- চূড়ান্ত ফলাফল প্রকাশের তারিখ হতে পরবর্তী ৯০ (নব্বই) দিনের মধ্যে উত্তীর্ণ প্রার্থীর সনদপত্র Online আবেদনপত্রে উল্লিখিত তার স্থায়ী ঠিকানার জেলা শিক্ষা অফিসে প্রেরণ করা হবে। উক্ত সময়ের মধ্যে এনটিআরসিএ কোন সাময়িক প্রত্যয়নপত্র প্রদান করবে না। ওয়েবসাইটে প্রদত্ত ফলাফল এর প্রিন্টকপি সাময়িক প্রত্যয়নপত্র হিসেবে গণ্য হবে।
- অনিবার্য কারণবশতঃ পরীক্ষার তারিখ ও সময় পরিবর্তিত হলে তা যথানিয়মে এবং যথাসময়ে সংশ্লিষ্ট সকলকে অবহিত করা হবে।
- বিজ্ঞপ্তিতে অনুল্লিখিত কোন বিষয়ে ব্যাখ্যার প্রয়োজন হলে এনটিআরসিএ এ বিষয়ে প্রয়োজনীয় ব্যাখ্যা প্রদান করবে।
- পরীক্ষা সংক্রান্ত যাবতীয় তথ্য এনটিআরসিএ-এর ০২-৫৫১৩৮৫০৮, ০২-৪১০৩০১২৮ ও ০১৬৩৫৪০৫৮০১ নম্বর থেকে জানা যাবে।
- পরীক্ষা গ্রহণ, মেধাতালিকা প্রণয়ন ও নিবন্ধন সংক্রান্ত যে কোন বিষয়ে কর্তৃপক্ষের সিদ্ধান্তই চূড়ান্ত বলে গণ্য হবে।


 (এ বি এম শওকত ইকবাল শাহীন)
 সদস্য (যুগ্মসচিব)
 পরীক্ষা মূল্যায়ন ও প্রত্যয়ন
 এনটিআরসিএ, ঢাকা।